

# Góður engill guðs oss leiðir

Helgi Hálfðánarson

Ísólfur Pálsson, 1903

Radds.: A. Lundh

1. Góð - ur eng - ill guðs oss leið - ir gegn - um

jarð - neskt böl og stríð, létt - ir byrð - ar,

ang - ist eyð - ir, eng - ill sá er von - in blíð.

## GÓÐUR ENGILL GUÐS OSS LEIÐIR

Góður engill guðs oss leiðir  
gegnum jarðneskt böl og stríð,  
léttir byrðar, angist eyðir,  
engill sá er vonin blíð.

Mitt á hryggðar dimmum degi  
dýrlegt oss hún kveikir ljós,  
mitt í neyð á vorum vegi  
vaxa lætur gleðirós.

Þó að lokist aumum aftur  
allar dyr á jörðu þrátt,  
helgrar vonar himinkraftur  
hjálpalausum eykur mátt.

Þá er hjartabenjar blæða,  
bregst hver jarðnesk stoð og hlíf,  
megnar sollin sár að græða  
signuð von um eilíft líf.

Þá er jarðnesk bresta böndin,  
blítt við hjörtu sorgum þjáð  
vonin segir: Heilög höndin  
hnýtir aftur slitinn þráð.

Blessuð von, í brjósti mínu  
bú þú meðan hér ég dvel,  
lát mig sjá í ljósi þínu  
ljómann dýrðar bak við hel.

*Sálmur 351/404*